

## **Prva primjena MSFI-ja 17 i MSFI-ja 9 – Uporedive informacije**

Izmjene i dopune MSFI-ja 17

## Izmjene i dopune MSFI-ja 17 Ugovori o osiguranju

Dodaju se tačke C2.A., od C28.A. do C28.E. i C33.A. te naslov ispred tačke C28.A. Zbog bolje preglednosti, te tačke su potcrtane. Tačka C29. nije pretrpjela izmjene i dopune, ali je uvrštena u tekst sivim slovima da se olakša upućivanje.

### Dodatak C

#### Datum stupanja na snagu i prijelazne odredbe

...

#### Datum stupanja na snagu

---

...

- C2.A. Dokumentom *Prva primjena MSFI-ja 17 i MSFI-ja 9 – uporedive informacije*, izdanim u decembru/prosinu 2021. godine, uvedene su tačke od C28.A. do C28.E. i tačka C33.A. Subjekt koji se odluči primjenjivati tačke od C28.A. do C28.E. i tačku C33.A. dužan ih je primjenjivati od prve primjene MSFI-ja 17.

#### Prijelazne odredbe

---

...

#### Uporedive informacije

...

#### Subjekti koji po prvi put istovremeno primjenjuju MSFI 17 i MSFI 9

- C28.A. Subjekt koji po prvi put istovremeno primjenjuje MSFI 17 i MSFI 9 smije primijeniti tačke od C28.B. do C28.E. (preklapanje u klasifikaciji) u svrhu prikazivanja uporedivih informacija o finansijskoj imovini ako uporedive informacije o toj finansijskoj imovini nisu prepravljene za MSFI 9. Uporedive informacije za finansijsku imovinu se ne prepravljaju za MSFI 9 kada subjekat odabere da ne prepravlja informacije iz prethodnih perioda (vidjeti tačku 7.2.15. MSFI-ja 9), odnosno kada subjekat prepravi informacije iz prethodnih perioda, ali se finansijska imovina prestala priznavati tokom tih prethodnih perioda (vidjeti tačku 7.2.1. MSFI-ja 9).
- C28.B. Subjekt koji primjenjuje preklapanje u klasifikaciji na finansijsku imovinu dužan je prikazati uporedive informacije kao da su zahtjevi MSFI-ja 9 u vezi s klasifikacijom i mjerenjem primijenjeni na tu finansijsku imovinu. Subjekt treba koristiti razumne informacije koje je moguće potkrijepiti, dostupne na dan prelaska na MSFI 17 (vidjeti podtačku (b) tačke C2.) kako bi utvrdio na koji način subjekat očekuje da će finansijska imovina biti klasifikovana i mjerena na dan prve primjene MSFI-ja 9 (na primjer, subjekat može koristiti preliminarnu procjenu izvršenu u funkciji pripreme za prvu primjenu MSFI-ja 9).
- C28.C. Primjenjujući preklapanje u klasifikaciji na finansijsku imovinu, subjekat nije dužan primijeniti i zahtjeve u vezi sa umanjnjem vrijednosti iz Dijela 5.5. MSFI-ja 9. Ako se desi da, zasnovano na klasifikaciji utvrđenoj primjenom tačke C28.B., finansijska imovina podliježe zahtjevima u vezi sa umanjnjem vrijednosti iz Dijela 5.5. MSFI-ja 9 a da subjekat ne primjenjuje te zahtjeve u sklopu primjene preklapanja u klasifikaciji, subjekat će nastaviti prikazivati sve iznose koji su priznati u vezi sa umanjnjem vrijednosti u prethodnom periodu u skladu s MRS-om 39 *Financijski instrumenti: priznavanje i mjerenje*. U suprotnom, svi takvi iznosi će biti poništeni.
- C28.D. Sve razlike između ranije knjigovodstvene vrijednosti finansijske imovine i knjigovodstvene vrijednosti na dan prelaska na MSFI 17 proistekle iz primjene tačkaka C28.B. i C28.C. treba priznati u početnom saldu zadržane dobiti (ili druge komponente kapitala, kako je primjenjivo) na dan prelaska na MSFI 17.
- C28.E. Subjekt koji primjenjuje tačke od C28.B. do C28.D. dužan je:

- (a) objavitelji kvalitativne podatke koje korisnicima finansijskih izvještaja omogućavaju da razumiju:
  - (i) u kojoj mjeri je primijenjeno preklapanje u klasifikaciji (na primjer, da li je primijenjena na svu finansijsku imovinu koja se prestala priznavati u uporedivom periodu);
  - (ii) da li i u kojoj mjeri su primijenjeni zahtjevi u vezi sa umanjnjem vrijednosti iz Dijela 5.5. MSFI-ja 9 (vidjeti tačku C28.C.);
- (b) primjenjivati te tačke samo na uporedive podatke za obračunske periode između dana prelaska na MSFI 17 i dana prve primjene MSFI-ja 17 (vidjeti tačke C2. i C25.); i
- (c) na dan prve primjene MSFI-ja 9, primijeniti prijelazne zahtjeve iz MSFI-ja 9 (vidjeti Dio 7.2. MSFI-ja 9).

## Ponovno određivanje finansijske imovine

- C29. Na datum prve primjene MSFI-ja 17, subjekat koji je primjenjivao MSFI 9 na godišnje obračunske periode prije prve primjene ovog standarda:
- (a) ima pravo preispitati da ali neka prihvatljiva finansijska imovina zadovoljava uslov iz podtačke (a) tačke 4.1.2., odnosno podtačke (a) tačke 4.1.2A. MSFI-ja 9. Finansijska imovina smatra se prihvatljivom samo ako se ne drži u odnosu na poslove koji nisu povezani sa ugovorima iz djelokruga MSFI-ja 17. Primjeri finansijske imovine koja ne bi bila prihvatljiva za preispitivanje uključuju onu finansijsku imovinu koja se drži u odnosu na bankarske poslove, odnosno finansijsku imovinu koja se drži u fondovima u vezi sa ugovorima o ulaganju izvan djelokruga MSFI-ja 17;
  - (b) dužan je poništiti svoje prethodno određivanja finansijske imovine kao mjerene po fer vrijednosti kroz dobit ili gubitak ukoliko usljed primjene MSFI-ja 17 uslov iz tačke 4.1.5. MSFI-ja 9 prestane bivati zadovoljen;
  - (c) ima pravo odrediti finansijsku imovinu kao mjerenu po fer vrijednosti kroz dobit ili gubitak ukoliko je zadovoljen uslov iz tačke 4.1.5. MSFI-ja 9;
  - (d) ima pravo odrediti ulaganje u vlasnički instrument kao po fer vrijednosti kroz ostalu sveobuhvatnu dobit u skladu s tačkom 5.7.5. MSFI-ja 9;
  - (e) ima pravo poništiti svoje prethodno određivanje ulaganja u vlasnički instrument kao po fer vrijednosti kroz ostalu sveobuhvatnu dobit u skladu s tačkom 5.7.5. MSFI-ja 9.
- ...
- C33.A. Za finansijsku imovinu koja se prestala priznavati između dana prelaska na MSFI 17 i dana prve primjene MSFI-ja 17, subjekat može primijeniti tačke od C28.B. do C28.E. (preklapanje u klasifikaciji) u svrhu davanja uporedivih informacija kao da je tačka C29. primijenjena na tu imovinu. Takav subjekat dužan je prilagoditi zahtjeve iz tačaka od C28.B. do C28.E. kako bi se preklapanje u klasifikaciji zasnivalo na tome kako subjekat očekuje da će data finansijska imovina biti određivana u skladu s tačkom C29. na dan prve primjene MSFI-ja 17.